




ՏԻՐԱՄՈՐ ԶԱՌԱՍՈՒՆՔԸ

Նոյեմբերի 16-ին, շաբաթ օրը, լրացավ Տիրամոր՝ Սիրանուշ Պալճյանի մահվան քառասունը:

Ժամը 16-ին Մայր Աթոռի միաբանությունն ու հոգևոր ճեմարանի ուսանողությունը եկեղեցական թափորով գնացին ս. Գայանե վանք, ուր միաբանական գերեզմանատանը ամփոփված են անյունները հանգուցյալ Տիրամոր:

Թարմ ծաղիկներով զարդարված Տիրամոր գերեզմանի վրա կատարվում է հանգստյան կարգ՝ հանդիսադրությամբ տ. Արիս եպս. Ծիրվանյանի, մասնակցությամբ ողջ միաբանության և հոգևոր ճեմարանի ուսանողության:

Արարողությանը ներկա է նաև Վեհափառ Հայրապետը:

Նոյեմբերի 17-ին, կիրակի օրը, Տիրամոր քառասունքի առթիվ Մայր տաճարում հանդիսավոր ս. պատարագ է մատուցում տ. Արիս եպս. Ծիրվանյանը և, հավարտ ս. պատարագի, քարոզում «Ես իսկ եմ յարութիւն և կեանք, որ հաւատայ յիս, թէպէտ և մեռանի, կեցցե» (Հովհ. ԺԱ 25) բնաբանով: Իր քարոզում պատարագիչ սրբազանը շեշտում է Քրիստոսի հարության պատմական ու հոգևոր նշանակությունը հավատացյալի կյանքում, որպես գրավականը հոգու անմահության, և Քրիստոսի հարության լույսի տակ քարոզիչ սրբազանը անդրադառնում է նաև հանգուցյալ Տիրամորը, որը հարության հույսով իր աչքերը փակեց, որպես ճեմարիտ հավատացյալ հայ կին:

Ս. պատարագին ներկա էին Մայր Աթոռի ողջ միաբանությունը, Գերագույն հոգևոր խորհրդի անդամները, մայրավանքի պատասխանատու քաժինների վարիչները, մտավորականներ, ծանոթներ Երևանից, որոնք եկել էին հարգելու Տիրամոր հիշատակը՝ նրա մահվան քառասունքի առթիվ:

Ս. պատարագին ներկա էին նաև ուխտավորաբար Մայր Աթոռում գտնվող Ռումինիայի և Բուլղարիայի հայոց թեմերի առաջնորդ տ. Տիրայր եպս. Մարտիրոսյանը և Լիբանանի պառլամենտի անդամ դոկտ. Մելքոն Էպիղայանը:

Հավարտ ս. պատարագի կատարվում է հոգեհանգստյան պաշտոն՝ Վեհափառ Հայրապետի հանդիսադրությամբ:

Հոգեհանգստյան «Յորժամ» շարականը, երգչուհի Լուսինե Զաքարյանի սրտագին կատարմամբ, վերացնում է բոլոր հոգիները:

Այս Մայր տաճարի երգչախումբը, վաստակավոր արտիստ Խորեն Մեյ-խանեջյանի շնորհալի ղեկավարությամբ, վեճ ու հանդիսավոր հնչեցնում է, երգահան Ալ. Հարությունյանի մշակմամբ, «Գթա, Տէր, ի հոգիս մեր ննջեցե-լոց» շարականը:

Արարողության ավարտին Վեհափառ Հայրապետը եկեղեցական թափո-րով առաջնորդվում է Վեհարան, ուր ընդունում է ցավակցություններ Տիրա-մոր մահվան քառասունքի առթիվ:

Ժամը 14.30-ին Ղազարապատի վերակառուցված վանական սեղանա-տանը տրվում է հոգեճաշ շուրջ 60 հոգու՝ Տիրամոր մահվան քառասունքի առթիվ:

Հոգեճաշին ներկա են նույնպես Մայր Աթոռի բոլոր միաբանները, Գե-րագույն հոգևոր խորհրդի անդամները, մասնավոր հրավիրյալներ, որոնց թվում նաև դոկտ. Մելքոն Էպիղաթյանը:

Սեղանն օրհնում է Վեհափառ Հայրապետը:

Այնուհետև հանգուցյալ Տիրամոր պայծառ ու անմոռաց հիշատակը մի անգամ ևս արտահայտվում խոսքերով ոգեկոչում են տ. Տիրայր եպս. Մարտիրոսյանն ու «Էջմիածին» ամսագրի խմբագիր պրն. Արթուր Հատիսյանը:

Հոգեճաշի ավարտին շնորհակալության և օրհնության ջերմ խոսք է ասում Հայոց Հայրապետը՝ Տիրամոր մահվան և քառասունքի առթիվ ամեն կողմից և ամենայն մասամբ արտահայտված անկեղծ ու խորը վշտակցության համար, ցավակցություններ, որոնք սփոփեցին Իր վշտակիր սիրտը և թե-թեվացրին Իր կրած կորստի ծանրությունը:

Իր խոսքի մեջ հանգուցյալ Տիրամոր քառասունքի առթիվ տրված հոգե-ճաշին Վեհափառ Հայրապետը «Հոգւոց» է արտասանում բոլոր ննջեցյալների հիշատակին:

Հոգեճաշն ավարտվում է խմբովին արտասանված Տերունական աղոթ-քով:

Շ Ն Ո Ր Հ Ա Կ Ա Լ Ա Կ Ա Ն

Հանուն Ամենայն Հայոց կաթողիկոս Ս. Տ. Վազգեն Ա. Հայրապետի, Մայր Աթոռի Դիվանը խորագրաց շնորհակալություն է հայտնում մայր հայ-րենիքի պետական բարձր իշխանություններին, Մեծի Տանն Կիլիկիո, ս. Երու-սաղեմի և Կոստանդնուպոլսի հայոց Աթոռների գահակալներին, ռուսաց և վրաց եկեղեցիների Սրբազան Պատրիարքներին և բարձրաստիճան հոգևո-րականներին, թեմակալ առաջնորդներին, թեմական և եկեղեցական վարչու-թյանց, ազգային-հասարակական կազմակերպությանց, հայ մամուլին և բազմահարյուր վշտակից անձանց՝ Հայաստանից և սփյուռքից, որոնք հե-ռագրով, նամակներով կամ անձամբ իրենց ցավակցությունը հայտնեցին և աղոթեցին ի Տեր հանգուցյալ Վեհամոր՝ Սիրանուշ Պալճյանի հոգու խաղա-ղության համար:

Վեհափառ Հայրապետը մխիթարված արտով բոլորին հղում է Իր ամե-նաբարի մաղթանքներն ու օրհնությունը:

ԴԻՎԱՆ ՄԱՅՐ ԱԹՈՐԻ

23-ը հոկտեմբերի 1974 թ.,

Ա. Էջմիածին